


尚書

十一下



漢書門類		九七	七八	七	三	一	二	四
類		號	號	函	架	冊	冊	冊

內閣文庫			
漢書	九七	七八	七
類	號	號	函
冊	架	冊	冊

內閣文庫		
番號	漢	3727
冊數	24 (22)	
函號	308	102



動植之物 雜錄 草 文庫

千歲日至可坐而定况一日之時刻其漏點分寸纖

毫合度固有極人工之巧而天且勿能違者然而天

地自然之節度有不假于人為者人亦不過因之耳


開元天寶遺事云裴耀卿勤于王事夜看案牘書

決獄訟常養一雀每夜至初更時有聲至五更急鳴

躍卿目為知更雀又于廳前大桐樹一枝至曉則有

羣鳥翔集以此為出廳之候故呼為報曉鳥時人美

焉 又商山隱士高太素累徵不起在山中構道院



二十餘間太素起居清心亭下皆茂林修竹奇花異卉每至一時卽有猿一枚詣庭前鞠躬而啼不易其候太素因目之爲報時猿考各勝志云值子午二時猿卽鳴啼 洞冥記云有司夜鷄隨鼓節而鳴不息從夜至曉一更爲一聲五更爲五聲亦曰五時鷄在影娥池北 雲南南甸宣撫司產叫鷄晝夜應時鳴張佳胤云予遊滇中太華山入聚星堂後爲叢林香閣閣前老椿圍二丈蒼幹入雲蓋千餘年物是夕宿香閣上松濤四起宿鳥驚棲忽喧忽寂至一鼓滿

林大響如百萬楚師夜鳴刁斗聲撼巖壑乃披衣坐榻上呼僧問之僧曰每鼓林鳥叫號互移棲所夜凡五起山僧視爲更候是夕余不能寐驗之果爾枕上口占四詩內云山中無玉漏自有碧鷄啼蓋謂是也鳳尾十二翎遇閏生十三翎 空同子云雀乳雛四月四子五月五子六月六子 猫咬鼠初一至十五咬上身十六至月終咬下身虎咬物亦然 虎每月望前耳能聽而目不能視望後目能視而耳不能聽 驢馬駒月初生者行在母前月半生者行與母

並月末生行居母後 象膽隨四時春在前膈左夏
在腹秋在左足冬在右足 鷄子日中則正日晏則
偏 白毛烏骨鷄每日以子午卯酉四時其毛翻豎
戟立 猫目晴日暮圓其午豎欽如線鼻端嘗冷惟
夏至一日煖 食物本草兔尾歲生一竅 蛤蚧之
鳴大月三聲小月二聲 蝟蛇膽上旬近頭中旬近
心下旬近尾 蝌蚪月大盡先生前足月小盡先生
後足 人身諸蟲上半月頭向下下半月頭向上
金陵瑣事云索姓回回避雨人家見佛几淨水碗中

一石遂問賣否主人漫答之曰有價即賣回回次日
携銀往來兩三度輒增其價主人謂石久塵埋回回
尚與高價因磨洗一新數日回回又至見石磨過大
驚長嘆曰如何毀却至寶此石列十二孔按十二時
辰每到一時有紅色蜘蛛網其上後網成前網即消
天然畧也今已磨損蜘蛛乃一片死石矣不顧而去
北戶錄云南中有十二時蟲亦蛤蚧之類大者一
尺尾長于身傳云自旦至暮變十二般色傷人必死
愚嘗獲一枚閉于籠中玩之止見變黃褐赤黑四色

此節所謂避役蟲與然彼云見者多得稱意之事此云毒人必死又何相懸乃爾也 採蘭志又云南中有避役蟲狀如蜥蜴一日十二辰其首倏忽變易爲十二辰狀脚長色青見者多得稱意之事 鼃聲如鼓夜鳴應更如初更輒一鳴而止二卽再鳴也謂之鼃鼓亦曰鼃更人聽之以占雨 採蘭雜誌云薛若杜好讀書往往徹夜一日遇此卽告之曰夜半不臥則血不歸心君雖好學恐非延益之道薛曰潛心傳記則心昧于時何夜半之可得知乎僧因就水中提

一魚赤色與薛曰此謂知更之魚夜中每至一更則爲之一躍薛畜盆中置書几至三更魚果三躍薛始就寢更名曰待漏魚 香魚出雁山春初生月長一寸至冬月盈尺則于潮際生子生已輒稿一名記月魚雁山五珍此其一 獺肝一月一葉十二月十二月葉月滿又退之 鰕魚鬚刺凡十二以應十二月每月一骨有毒 鱧魚膽春夏近上秋冬近下 錄異記云六時水在蜀青城山宗元觀南二里對觀有峭崖高五百餘尺崖上受道壇昔甯真君與軒轅

黃帝傳道之所每日六時有自然水從崖上洒入澗
底勝覽云六時洒水以代晷漏陰時卽飄然而洒陽
時卽無呂汲公詩巖輝萬古照泉漏六時飛京鏗詩
八千里隔東西境十二時分晝夜泉 名山記云太
原府平陽縣有轟轟澗其澗東南有廟下有潭深不
可測廟後有石洞澗中有穴望前壚而出聲望後吸
而入聲其聲如雷故名 郝郊入蜀紀見云大邑鶴
鳴山山如覆甃有石如鶴上有二十四洞應二十四
氣洞口約濶三尺深不可測至一氣則一洞之竅開

餘皆不見又有七十二穴應七十二候 驪山泉出
二穴朔後出左穴望後出右穴 彝陵山有風穴夏
則風出冬則風入春秋無風 昆吾陸地鹽月滿則
積雪味甘月虧則如薄霜味苦 燕昭王時有長春樹花春色碧春盡則落夏色赤夏
盡則凋秋色白秋殘則萎冬色紫遇雪則謝 名勝
志云洱河上關河山之麓有樹高七八丈葉如桂花
白色每朶十二瓣以應月數遇閏輒多一瓣相傳仙
人所種更無別種土人因其地名之曰和山花

唐詩記事云長成式字柯古文昌之子博學強記多奇篇秘藉嘗于私地鑿池得片鐵命周尺量之笑而不言置之密室時窺之則有金書二字報十二時也

賜谷漫錄云張堂言同邑安福西鄉地名下庄周俊叔家嘗得十二時竹一根植之家庭歷十餘年筍而竹者纔三竹遶節而生子丑寅卯辰巳午未申酉戌亥十二字點畫可數芋每月一子每年芋十二子藕每月一節閏月益一節棕相應月生片遇閏則生半片歲長十二節遇閏則長半節茨菰種

水中一莖收十二寔歲當有閏則十三寔朱草日
生一葉朔日至十五日共生十五葉十六日後一日
落一葉梧桐按月生葉一對不增遇閏增一葉
說畧云唐文宗朝有十二玉棋子以按十二時字置
水中逐時浮出不爽徐鳳縮節杖如筆管二十年
每年生一節後每年減一節清異錄云唐內庫有
一盤色正黃圓三尺四周有物象元和中偶用之覺
逐時物象變更如辰時花草間皆戲龍轉已爲蛇轉
午則成馬矣因號十二時盤流傳至朱梁尚在書

蕉云范文正公家古鏡中具十二時如博棋子每至此時則博棋中明如月循環不休又有市人蔣家十二時鐘能應時自鳴季雁山公宋宗眉皆各見一爐幕上有十二孔應時出香不可曉 佛林國懸大金秤以金丸十二枚屬于衡端候十二時每至一時金丸輒落毫釐無失 續彙堅志云周益公在京師見一茶店具紙畫岳州圖譙樓十二時牌能時時自換此神仙之筆也 瑯環記云南蕃白胡山出貓睛石極多且佳他處不及也古傳此山有胡人通身俱白

素無生業惟畜一猫猫死埋于山中久之猫忽見夢曰我已活矣不信者可掘觀之及掘猫身已化惟得一二睛堅滑如珠中間一道白橫搭轉側分明驗十二時無誤與生不異胡人怪之夜又見夢曰埋此于山之陰可以變化無窮中一顆赤色有光者吞之得仙胡掘得遂會山人置酒食為別及吞即有一猫如獅子負之騰空而去至今此山遂多猫睛而猫睛即一名獅負仙女上明皇獅負二枚即此明皇藏于牡丹鈿合中以驗時 泰西國人所製自鳴鐘以銅為之

中藏鐵輪盤若干時時轉動一小僧人在下至其時則捧牌漸漸而出其一老僧人執椎在懸鐘之側凡小和尚立起老和尚即擊鐘子時即一聲丑時即兩聲至亥時則擊十二聲而止此其巧思非人可量矣

諸葛武侯遺蹟

諸葛武侯之事季漢忠之盡義之至宋賢亦許為王佐之才而稗官小說敷衍或反失其真如借風錦囊之類往往入于神怪非所以尊武侯也其遺蹟流於後世余因歷考諸書之可驗者彙而存之焉語林云王武子曾為夔州之西市俯臨江岸沙石下看諸葛亮八陣圖箕張翼舒鷲形鶴勢聚列分布宛然尚存峽水大時三蜀雪消之際瀕滂滉漾大樹十圍枯槎百丈破碓巨石隨波塞川而下水與岸齊雷奔山裂

及乎水平萬物皆失故態惟陣圖小石之堆標聚行列依然如是者垂六七百年間淘灑推激迄今不動劉禹錫曰是諸葛公誠明一心為昭烈効死况此法出六韜是太公上智之材所構自有此法惟孔明行之所以神明保持一定而不可改也東晉桓溫過此布常山蛇陣勒銘曰望古識其真臨源愛往蹟恐君遺事節聊下南山石郝郊入蜀記見云夔人重武侯以歲首入日傾城出遊八陣上謂之踏磧婦人拾沙中小石之可穿者貫以綉縷携之歸以為一歲之祥

慎蒙云八陣圖在新都縣北三十里平瀾鎮八陣圖凡三在夔州者六十四方陣法也在牟彌者一百二十有八當頭陣法也其在碁盤市者二百五十有六下營法也楊升庵云嘗放舟過夔門時春初水勢正殺自山上俯視陣圖下百餘丈皆聚細石為之凡八行六十四絕土人言夏水盛時沒在溪淵水落依然如故在新都者其地象城門四起中列土壘約高三三尺耕者或剗平之經旬餘復突出

右武侯八陣圖

紀畧

云正德中平谷縣耕民得一釜以涼水沃之即自沸

炊飯即熟釜下有諸葛行鍋四字鄉民以中有寶物碎之其釜複層中有水火二字

右諸葛釜

語林云陸法

和亦曾征蜀及上白帝城插標曰此下必掘得諸葛鏃既掘得箭鏃一斛

右諸葛鏃

本草云諸葛武侯所止

令兵士獨種蔓菁者何也日取其甲可生啖一也葉舒即可煮食二也久居則隨以滋長三也棄去不致

可惜四也回則易尋而採之五也冬有根可斷食六

也今三蜀之人呼蔓菁為諸葛菜

右諸葛菜

劉焯筆談

云會稽李彭山守長沙日有兄弟開田掘土獲一扛

竈置鍋水即沸可炊爨不用柴炭二人爭送府視其

內有一小道士篆丙丁二字于背又有諸葛行軍竈

幾字貯府庫尚存

右諸葛竈

七修類稿云廣西全州山

上有武侯兵書木匣歲或一換新板于外手舊曾聞

之未信今大中丞顧東橋云親見

右武侯兵書匣

金陵瑣

事云四川趙雪岩先生曾任太守往瀘州江行阻風

數日乏薪令人上山樵採山頂險峻人跡所不到有

鐵船一隻露其半中皆大錢有無字者有文曰諸葛

之寶者因取數籬回忽大響一聲山遂合船不見矣

行一兩日岸邊人衆洶洶泊舟訊之乃鑄孔明像者方募銅雪岩驚異盡以錢施之像乃告成

右諸葛錢

瑣

事又云金陵裕民坊淘井得一瓦枕上有一符符下有驅瘧二篆字相傳爲諸葛武侯所製病瘧者枕之卽愈彼此轉相借用久之遂失

紀畧云武侯初平

南燹夜聞軍中多謳歌思歸遂召衆各與一磚曰若輩久苦行役欲過歸耶枕此而臥詰朝抵家矣從者果然今雲南有一城居民皆四川人云卽其家也又天順中太倉州武孟有詩各嘗爲武岡州幕官因鑿

渠得一瓦枕枕之聞其中鳴鼓起搗一更至五更鼓

聲次第不差旣聞鷄鳴亦三唱而曉抵暮復然孟以

爲鬼怪令碎之其中設機局以應夜氣識者以爲孔

明鷄鳴枕也

右諸葛枕

續耳談云雲貴土官堂後中門

甚低出入必俯首云武侯遺制欲其敬朝廷也若有

稍高其戶者輒禍起蕭牆焉又苗民家家供祀武侯

取穀逐顆剝米以炊日不暇給云亦始武侯俾終歲

勤勞弗敢居間思叛也若舂米則頭作痛云

右武侯遺法

湧幢小品諸葛銅鼓皆奇文異狀雕螭刻虬間綴

蝦蟇其數皆四蠻中諸葛銅鼓有剝蝕而響亮者為
 上上易牛千頭大者七八百頭藏二三面者即得僭
 號為寨主矣凡破蠻必稱獲諸葛銅鼓有多至數十
 面者此必諸葛倡之後人倣式而造其精巧反有過
 之者

右諸葛
銅鼓

雲南府宜良縣有諸葛洞武侯常列

營處嵩明州西南有漢人所築金城城南有諸葛亮
 與蠻人歆盟臺澂江府河陽縣金山有諸葛營乃建
 興中丞相亮選拔酋長治故之所曲靖軍民府南寧
 縣城東有八塔雙井皆諸葛武侯建鑿以厭勝也定

遠縣諸葛山一名獨立山世傳孔明過此令掘斷山
 岡左右以厭勝土人于石上建八塔以識侯之蹟意
 總一事而分紀于南寧定遠 大理府有武侯祭天
 畫卦之所名祭天臺又名畫卦臺趙州昆彌山兩崖
 間有古刻文印篆世傳為諸葛孔明之印通志武侯
 既服孟獲回師至白崖立鐵柱紀功 天威逕自龍
 關以外皆得名之取孟獲公天威也之語而名之貴
 州亮寨長官司在黎平府北司治西有諸葛武侯古
 寨因以名之趙州有迷渡市設巡檢司昔武侯築城

其處今呼諸葛城和曲州有諸葛故城丞相初過大
雄河卽駐節于此今遺址存姚安府大姚縣有武侯
土城在縣左却江馬鞍麓上有鐵椿相傳侯開路時
物又賓川州有諸葛城在虎踞山鄒應龍詩何人築
此受降城營壘猶傳諸葛名 諸葛村在永昌城南
七里舊記云孔明旣擒孟獲移師永昌卽金齒司也
司城南西山之下侯嘗屯兵其間迄師還民相謂曰
吾儕皆諸葛公遺民也乃構祠祀之雨暘疾疫皆應
其禱滇載記云永昌城外七里有舊漢村其人言語

衣服皆類蜀蓋征南時留居者又其村前小海子內
土阜一區周遭三十三丈隨水高下雖巨潦不能沒
傳爲孔明豎標臺鶴慶軍民府有諸葛泉在治南百
四十里武侯駐師之地劍川州有諸葛池相傳丞相
每飲馬其中滇畧云隴川麓川也有諸葛孔明寄箭
山 諸葛草廬在南陽城西南七里臥龍岡上卽孔
明所居舊爲祠以奉蒸嘗有道士居住夜聞兵聲懼
而移之遂寢 諸葛井在草廬前青石爲床有汲綆
渠百十道數竟不能盡 武侯遺令葬定軍山因卽

地勢不起墳壟溪松茂栢攢蔚川阜莫知墓堂所在
 山之東名高平是亮宿營處亮薨百姓野祭步兵校
 尉習隆中書郎向玄共表請近其墓立祠沔陽鍾士
 季征蜀枉駕設祀營東即八陣圖遺基畧存崩褫難
 識陰雨聞鼓角聲右諸葛遺址蜀記孔明征蠻中十里
 刻一石人△黎嶺之路尚有存者隄為縣存其一

右諸葛石人

寰宇記云諸葛亮相蜀築臺以集諸儒兼

待四方賢士號曰讀書臺今為乘烟觀杜光庭錄異
 記云成都讀書臺坊武侯宅內乘烟觀內有古井井

有魚長六七寸往往遊于井上水必騰湧相傳其井

有龍 右諸葛讀書臺

滇考云隋遣太平公左領軍史萬歲

為行軍總管帥眾南征爨翫從越嶲進兵經馬湖番
 山自蜻蛉川過弄棟次小敦弄大敦弄至于南中賊
 前後據要害萬歲皆破之行十餘里見諸葛武侯紀
 功碑銘其背曰萬歲之後勝我者過此遂命左右仆
 其碑碑下復有字云隋開皇十九年史萬歲過此為
 我立碑萬歲惶恐再拜重扶其碑立之 廣德初鳳
 迦翼築拓東城孔明石刻故在文曰碑即仆蠻為漢奴

南方民畏誓常以石堵梧之 古蹟記云宋建隆二
 年曹彬為都諫伐蜀謂孔明祠視宇第雄觀頗有不
 平謂左右曰孔明雖忠于漢然疲竭蜀之軍民不能
 復中原萬一何得為武當因其頽敗拆去祇留其中
 以祠香火左右皆諫不可俄報中殿摧塌有石碑出
 土尺許彬遙視之其刻字宛若新書題云測吾心腹
 事惟有宋曹彬讀訖下拜曰公神人也小子安能窺
 測哉遂令蜀守新其祠宇為文祀之而去 右諸葛碑名
 賢錄云崔與之帥成都授洪谷夔籍田令通判成都

府谷夔命蜀人毀鄧艾祠更祀諸葛亮生母之曰母事
 仇讐而忘父母 永昌府志勝云永平縣打牛坪相
 傳武侯南征駐師茲坪辰值立春鞭土牛以訓彝畊
 遂以名驛云 右諸葛故寔 宋書殷孝祖傳御仗有諸葛
 亮笏袖鏡帽一十五石弩射之不能入上悉以賜孝
 祖 右諸葛鏡帽 諸葛武侯征孟獲奏凱回日至瀘水風
 濤不能渡人曰蠻地多邪術須禱于神常例必殺四
 十九人以祭之則怨鬼自散方可渡也武侯曰吾班
 師回都安可妄殺一人吾自有主見乃雜用羊豕肉

和麵為劑塑成假人頭名曰饅頭右諸葛饅頭

通志藝

文畧載武侯著書數十種漢書音一卷六玉類苑一

卷平朝陰府二十四機一卷六軍鏡心訣一卷諸葛

武侯誠一卷又有諸葛亮隱沒五事一卷貞潔記一卷臥龍十

六策一卷大堂明鑑一卷郭冲撰又總載丞相諸葛亮集二十五卷右武侯書桂海虞衡

志云南方曰蠻亦曰西南番其蠻酋自謂大保大抵

與山獠相似但有首領耳其人椎髻以白紙繫之云

尚為武侯制服右諸葛遺愛一統志云夔州府有石鼓

在八陣圖對面世傳武侯教陣法處右諸葛石鼓一蕪領

曰孔明廟中有大栢木相傳是蜀世所植故人多採

以作藥其味甘香異于常栢卽杜工部所咏孔明廟

前有古栢柯如青銅根如石者也來式如手抄云此

栢圍數丈段文昌有詩石刻在焉唐末漸枯然無敢

伐者宋乾德五年枯樹再生人咸異之右諸葛廟栢夢

溪筆談云昔年在姑熟王敦城下土中得一銅鉦刻

其底曰諸葛士全茗鳴鉦茗卽古落字此部落之落

士全部將名中間鑄一物有角羊頭其身亦如篆文

像今術士所畫符有兩字乃大篆飛廉字篆文亦古

怪則鉦間所圖蓋飛廉也飛廉神獸之名

右諸葛銅鉦

緬甸國有孟獲城內有武侯祠又有雪山武侯征孟

獲到此名曰剩村石碑至今猶在 李邁庵記云過

金沙江則非中原有矣北渡金沙向木邦國武侯設

碑路傍有異日皇帝過此句 永歷至此應其識後

征緬師旋雷已碎碑 研北雜誌云漢中之民當春

月行哭首戴白楮幣上諸葛公墓其哭甚哀 鼎錄

云諸葛孔明殺王雙還定軍山作一鼎埋于漢川其

文曰定軍鼎又作八陣鼎沉之永安水中皆大篆書

又于玄武郡金山作二鼎一大一小並無文時孔明

行軍見山勢似有王氣故鎮之

右諸葛鼎

馬君輝征行

記畧云順治十六年二月二十四日大兵收服騰越

州二十五過南甸追至孟州離騰越百有十里為雲

南迤西盡界外即三宣六慰緬甸二十日班師距蒲

縹數舍有深谷相傳武侯燒藤甲軍處次永昌過玳

瑤山踐踏有聲過娘娘叫狗山以武侯迷路聞老嫗

叫狗得達故名 蜀古蹟云孔明南征日夢周公助

以陰兵乃獨立廟在雅州治東夢林玄解云諸葛武

侯出師至蔡山夢見周公故名其山爲周公山立立
憲廟于其上 偃曝談餘云諸葛武侯手長八尺形
細面粗猶如松栢皮膚枯槁文理潤澤 武侯定黔
中從青石祠過遂抽刀刺山投刀不拔而去行人莫
測華陽國志亮以南蠻之俗難化乃畫蠻圖以賜蠻
蠻其重之武侯子瞻字思遠善書畫見蜀志父子俱
載張彥遠名畫記中 張岷峨云成都諸葛祠前有
古井常聞其內有鷄鳴聲適韜軒使者晏集其地令
卒腰繩下窺之井上圓銳而下方敞盡數繩見洞壁

有鐫字皆諸葛公手書卽索楮墨摹勒以上復見日
光射處諸葛公危坐彈琴侍者及鷄犬皆日重下摹
勒壁字則水湧平井不得入矣 陝西通志興勢山
在洋縣北二十里山形如盆外甚險盤道以上孔明
嘗戍兵于此後魏置興縣以此山名又定軍山是黃
忠斬夏侯淵之所有諸葛巖 又諸葛壘在秦州東
俗謂下募城旁有司馬懿壘俗謂下募城魏大和中
亮攻天水詔懿拒之此其壘也 梓潼縣北有葛山
孔明常屯兵此山故名 雲南永昌軍民府諸葛營

其東東嶽堰內一土墩週三十餘丈高六尺隨水高下雖盛潦不沒俗謂武侯旗臺 碧里雜存云明高帝削平羣雄兵器精利所謂襄陽砲者止攻姑蘓一用餘不復事又有連子弩最爲利器天下既定卽收藏不以示民其弩面有匣隨弦上下中藏十矢匣上有鐵挽子挽匣使卻則弦隨之內墮一矢于弩面乃機則弦發而矢往復挽如前相繼連發盡十矢在刹那間全不用力又不費工夫比之凡弩有十倍之易此諸葛武侯之遺 按三國志孔明損益連弩謂

之元戎以鐵爲矢矢長八寸一弩十矢俱發 雲南通海縣東南有諸葛山孔明南征駐兵于此 永昌軍民府有大諸葛堰小諸葛堰 落星村在五丈原卽諸葛營處 沔縣北蓮池畔有武侯讀書臺每遇花時縣人遊賞 襄陽府城西諸葛亮宅有井名葛井 黎州安撫使武侯廟宋紹興中郡守邵溥因舊鼎新榜曰天威廟又武侯城在舊黎州城外三里武侯所築壕塹壁壘存焉又有武侯戰場在安靖新寨平茶洞長官司有諸葛洞在州治南石崖屹立旁

有石洞數丈孔明征九溪蠻嘗過此留宿洞中 諸葛嶺在東安縣南三里劉備收荊州遣孔明督零陵長沙桂陽三郡調賦屯駐于此 諸葛亮廟在襄陽府臥龍山唐封武靈王宋賜英惠廟加號仁濟 四川納谿縣有檄旗山云孔明樹旗于此以誓蠻人故名 武侯廟在嘉定州寶山瀘峯每歲蠻人貢馬必相率拜于廟宋劉光祖詩蜀人所至祀遺像蠻獫猶知問舊碑 靖州城西有諸葛營孔明撫諸蠻駐軍于此 武侯塔在長寧縣孔明建以誓戎蠻故名

成都府城西南五里有諸葛井相傳孔明欲通井絡王氣故爲此井 七縱橋在雅州孟山下孔明擒孟獲而得名 山堂肆考云衡州耒陽縣有石碑乃是諸葛孔明斬雍闓擒孟獲回軍經此立石紀功又相傳武侯立石誓蠻曰後有功在吾上者宜立石于右至宋狄青破儂智高回立碑于右後爲雷所擊惟存斷碑 講事堂在新野學內昭烈與徐庶議訪孔明于此 華陽國志孔明相蜀鑿石架空爲飛梁閣道卽古劍閣道也 萬花谷云成都子城西金容坊有

石一株挺然聳峭高丈餘耆舊傳云其名有六曰石筍曰蜀妃門曰沉犀石曰魚鳧仙壇曰西海之眼曰五丁石門皆非也圖經云乃前秦時之遺址諸葛武侯掘之方驗有篆字曰蠶叢氏有國誓蜀之渭以二石柱橫理連接貫鐵其中一南一北無所偏邪又五字濁歎燭觸蠲時人莫曉後蜀伯范賢議曰亥子歲濁字可記主水災寅卯歲歎字可記主飢饉巳午歲燭字記主火災辰戌蠲字記主兵災申酉歲觸字記主稼穡富贍悉以年事推應驗符響

周禮有不可通行于今者

周禮仲冬之月農有不收藏積聚者馬牛畜獸有放佚者取之不誥註不肯歛藏者聽人取以徹之按松漠記聞言金國治盜甚嚴每捕獲論罪外皆七倍責償惟正月十六日縱偷一日以爲戲妻女寶貨車馬爲人所竊皆不加刑是日人皆嚴備遇偷至則笑遣之旣無所獲雖畚鍤微物亦携去婦人至顯入人家伺主者出接客則縱其婢妾盜飲器他日知其主名或偷者自言則具茶食以贖

謂羊酒肴饌之類

次則携壺小

亦打糕取之亦有先與室女私約至期而竊去女願
留則聽之是則仲冬之與孟春金俗亦可謂有周禮
之遺意矣不大可嗤乎 黃東發云周禮秋官之屬
朝士掌建邦外朝之法其曰凡報仇讐者書于士殺
之無罪既書于士矣士何不正其罪殺之而縱其人
自相仇殺耶金壘子云周禮凡民之貸者與其有司
辨而授之以國服爲之息盱江何氏註謂民有貸物
于官者與有司辨其物定其價以授之還本後服役
于國中各有日數以爲息所謂以國服爲息也按圭

充云貧人負官重責貧無以償則身爲官作責畢竟
是漢法猶有周官泉府遺意耳 朝野紀畧正德中
館閣諸臣論及引鄭玄註周禮云羣妃御見之法月
與后妃其象也卑者宜先尊者宜後女御八十一人
當九夕世婦二十七人當三夕九嬪九人當一夕三
夫人當一夕后當一夕十五日而遍自望後反之修
撰楊慎曰此言何其迂且譎乎苟如此則皇后一月
之間不過兩御于王當其朔與晦耳 修養家言有晦
與朔御女之禁
不知小盡之月肯通融否乎是又奪三夫人之一夕

矣王后當夕之外三夫人一夕其餘皆九人一夕且
聖王制禮本以防淫黃老養生亦惟寡欲一人之身
一夕九合雖金石之軀亦將亟銷而速泐矣况古者
人君圓丘方澤朝日夕月山川社稷禴祀蒸嘗爲禮
至繁動輒三日齋七日戒而可以無夕不御乎是齊
高緯金海陵之所不爲而謂聖世有此制乎鄭玄釋
經類多難信如此 文獻通考曰王莽興造必欲依
古經文劉歆言周有泉府之官收不售與欲得卽易
所爲理財正辭禁民爲非者也莽乃借泉府之說立

五均之官令民採山澤者畜牧者紡績者以至醫巫
技藝各自占所爲而計其息十一分之一以其一爲
貢則是直攫取耳 胡氏曰周官內府膳夫酒正有
王及后世子不會之文此非武王周公之法也日用
之切身者莫大乎膳服而易以溺人者莫若酒食以
尊貴之故惟意所取不限多少珠襦玉食長夜之飲
由此起矣豈聖人節以制度自家刑國之道哉 楊
升庵云易噬嗑九四噬乾肺得金矢天王弼註金剛也
矢直也本義乃引周禮古之訟者先入鉤金束矢而

後聽之黃東發云若先取出金而後聽其訟武周酷吏之所不爲况成周之世哉 劉歆逢王莽之惡欲以威劫羣臣遂僞作周禮云誓大夫曰鞭附于條狼氏夫刑不上大夫焉有周公制禮鞭撻大夫者 周禮秋官有屋誅之文鄭玄註曰誅及三族古者罪人不孥豈有彘三族著之令典蓋漢人下蠶室類耳 會而禮不備亦謂之遇娶而禮不備亦謂之奔仲春二月會男女于是時也奔而不禁奔者謂不備禮也 若以淫奔例解之則大失先王之意矣

戰勝不用兵刃

凡戰鬪以兵矢之犀利爲上故曰兵甲不利以其卒予敵也矢盡糧絕而張空卷冒白刃李陵所以興嘆耳乃有氣蓋千人勇敵萬夫不待兵刃而出奇取勝者此則孫吳之兵法所不及載也 太平御覽云武王曰五帝之時無守戰之具國存者何太公曰守戰之具皆在民間耒耜者是其弓弩也鋤耰者是其矛戟也簞笠者是其兜鍪也鎌斧者是其攻戰之具也 鷄狗者是其鉦鼓也 後漢書桓帝延熹二年燒當

八種寇隴右以段熲爲校尉將兵及湟中義從羌二千人擊破之追討南渡河募先登懸索相引弓折矢盡且鬪且行晝夜相攻割肉食雪三十餘日遂至河首積石山出塞二千餘里前後斬首虜并受降各萬餘人會段熲坐事徵羌遂陸梁覆沒營塢寇患轉盛中郎將皇甫規張奐雖擊破之而寇不已復遣段熲擊之自春及秋無日不戰虜遂飢困敗散凡破西羌斬首二萬二千級獲生口數萬西羌于是弭定夫斬級至于如是之多豈可謂之不用兵刃哉當其弓折

矢盡割肉食雪之時固已氣吞胡羌所恃不在兵刃矣予序戰勝不用兵刃應推此爲首也 三國志許褚勇力絕人漢末聚少年及宗族數十家共堅壁以禦寇時汝南葛陂賊萬餘人攻褚壁褚衆少不敵力戰疲極兵矢盡乃令壁中男女聚治石如杆斗者置四隅褚飛石擲之所值皆摧碎賊不敢進糧乏偽與賊和以牛與賊易食賊來取牛牛輒奔還褚乃出陣前一手逆曳牛尾行百餘步賊衆驚遂不敢取牛而走由是淮汝陳梁間聞皆畏憚之 抱朴子云三國

吳賀齊討黠歙山賊賊固黠之林歷山山甚峻絕又
工禁五兵每交戰刀劍不能拔弓弩還自向齊曰吾
聞金有刃者可禁蟲有毒者可禁不能禁無刃物矣
乃多作勁木白楮選有力者五千人先登捉楮擊賊
賊不知備所殺萬計 呂東萊云周世宗攻兩淮淮
人結集保伍截紙爲甲號白甲軍大敗周師 晉書
劉琨在晉陽賊圍之數重城中窘迫無計琨乃乘月
登樓清嘯賊聞之皆凄然長嘆中夜爲奏胡笳賊流
涕歔歔不覺懷土之切向曉復吹賊遂棄圍走 晉

書云劉疇常避亂塢壁賈胡欲害之者百數疇授胡
笳而吹之爲出塞之聲動遊客之思羣胡卒泣遁而
去 南史齊高帝蕭道成初遷巴陵王衛軍司馬隨
鎮會稽時江州刺史晉安王子勛遣臨川南史張淹
自鄱陽嶠道入三吳明帝遣帝討之時朝廷器甲皆
充南討帝軍容寡闕乃編機皮爲馬具裝折竹爲寄
生夜舉火進軍賊望見恐懼未戰而走 北齊循吏
傅郎基字世業累遷海西鎮將梁吳明徹率衆攻圍
海西基獎勵兵民固守百餘日軍糧且罄戎仗亦盡

乃至削木爲箭剪紙爲羽圍解還朝僕射楊愔迎勞之日卿本文吏遂有武畧削木剪紙皆無故事班墨之思何以過此周書王羆字熊羆齊神武遣韓軌司馬子如從河東宵濟龔羆羆不覺比曉軌衆已乘梯入城羆尚卧未起聞閣外洶洶有聲但袒身露髻徒跣持一白棒大呼而出謂曰老羆當道卧貉子那得過敵見驚退北史後魏河間王琛有婢朝雲善吹篪能爲團扇歌隴上聲琛爲秦州刺史諸羌外叛屢討之不降琛令朝雲假爲貧姬吹篪而乞諸羌聞

之悉皆流涕迭相謂曰何爲棄墳并在山谷爲寇耶相率歸降秦民語曰快馬健兒不如老姬吹篪隋書云達奚長孺擊突厥衆寡不敵長孺將兵二千突厥十餘萬衆遇于周盤軍中大懼長孺神色慷慨且戰且行轉鬪三晝夜凡十四戰五兵咸盡士卒以拳毆之手皆見骨殺傷萬計俱焚屍慟哭而去唐書河西節度使王忠嗣使哥舒翰擊吐蕃吐蕃枝其軍爲三行從山差池而下翰持半段槍迎擊之所向披靡于是名蓋軍中朝野僉載云太宗時西國進一

番善琵琶作一曲琵琶絃撥倍粗上每不欲番人勝
中國乃置酒高會使羅黑黑隔帷聽之一徧而得謂
番人曰此曲吾宮人能之取大琵琶遂于帷下令黑
黑彈之不遺一字番人謂是宮女也驚嘆辭去西國
聞之降者數十國 玉堂閒話云蜀師戍固鎮有巨
帥曰費鐵嘴者本于綠林多使人行劫而納其貨一
日劫村庄纔合夜羣盜至村四面壞壁而入民家燈
火尚熒煌丈夫悉遁去惟一婦人以杓揮釜湯潑之
一二十輩無措手爲害者皆狼狽奔散婦人但秉杓

據釜畧無所損旬月後費部內猶有面如瘡癩者費
終身耻之 獨異志云唐太和初滄景節度使李同
捷叛王智興帥徐泗兵討于棣州時同捷遣一能言
者坐城上戰棚罵智興軍吏耻之智興蒙首掩耳不
忍聞有一卒曰此可用拋石擊去其首智興曰若中
賞汝千金乃具拋發一石正中其首隨石迸落軍中
歡呼城上飛動 冊府元龜云晉高祖從唐應順末
自河東改鎮常山承詔詣闕會少帝失位與數百騎
欲奔鄴夜與少帝相遇獲嘉東遂俱入衛郡泊郵舍


中時劉知遠從行是夜偵知少帝伏甲欲與從臣謀害晉高祖詐屏人對語方坐于亭廡知遠遣御史石敢袖鎚立于後伏甲者俄起左右驚擾敢素有勇力推晉高帝入一室以巨木塞門敢力當其鋒尋死焉知遠乃解所佩刀隔窓授晉高祖既出有數卒逐知遠知遠時無佩刀遇夜晦以在地葦炬未燃者奮而擊之人謂其短兵也遂敗走帝乃匿身長垣下隔垣聞人相告云石太尉已死矣知遠審其語則帝所親騎將李洪信也知遠因呼而召之曰太尉無恙由是

坎垣求出其垣劃然頽落有神助焉 夢溪筆談云
元豐中夏戎之母梁氏遣將引兵卒至保安軍順寧
塞圍之數重時塞兵至少人心危懼有娼姥李氏得
梁氏陰事甚詳乃掀衣登陴抗聲罵之盡發其私虜
人度李終不可得恐且得罪遂托以他事中夜解去

人與李殊不同野甚且野異道引以山事中秋猶去
梁刃劍在甚特代燃天登明亦望黑心盡發其味氣
寒團之遠重和塞其至也人心愈顯其散散李刃野
亦豐中夏刃之毋樂刃也殊內共卒至野交軍團實
宋世宋出其因隨然融器百喻世語 夢與筆端云

月因地異

月照萬川處處皆同乃光之所射有因地而異者又
有因中秋而更異者皆事理之未可易測者也朱平
涵云宿遷縣西北馬靈山凡中秋過月張布幔其上
月光照井一無所隔餘日則否時有白氣冲出下必
有異人不能測 按志云馬陵井每中秋夜月輪正
照井底陰晦之夕殊有月光若天時晴朗以幕蓋之
光徹其下 七修類藁云杭之鳳凰山有石如片雲
拔地高數丈將顛有一竅尺餘名日月巖惟中秋之



月穿竅而出他月則斜出竅外 林泉隨筆云浦江有月泉其水晦日卽涸月生明則漸瀉出未望則長既望則滿故名日月泉 一統志廣東始興縣有朔水月朔卽漲至晦卽減故名與月泉相類 各勝志云雲南永昌府永平縣花橋河水入于銀龍江去縣治東半里每歲十月天曙時輒有白氣橫江上下充滿月色相映蟠旋宛若銀龍有昌平橋跨之長四十二丈高二丈五尺廣二丈瓦亭十有二亦曰太平橋又龍泉在汝州城西南其水瑩潔中秋之夕陰雲蔽

月俯觀泉內鬼形自若前人詩云我欲龍泉觀夜月
崆峒烟雨阻人行 山西澤州五門山形若城墉有門凡五雙門之上中秋望月注射其間最爲圓朗他處所無 蓬州資聖寺有金錢井每月明輒有金錢影浮水上 南溪縣桂輪山昔涪翁書大桂輪山四字于其崖壁是山惟中秋見月故名 五臺山有明月池人傳以紗帛障面目下覩或見月在水中 荊州興山縣有水月院有潭水每遇天陰月影常現故名 西溪叢話云會稽天衣寺有半月泉泉隱岩下

雖月圓滿望池中只見其半最爲佳處李紳題詩云
殿湧全身塔池開半月泉紹興愚禿法聰鑿開沼名
滿月殊殺風景可惜也 戚价人嵩門山記云宿盧
巖寺曉過嵩門此門每至中秋則皓月當門駐少頃
門若半吞之如手擎圓鏡恰相受餘月望則否卽多
斜掩門左右不全見故爲特奇

以少少許勝敵

衆寡之不相當勢也孟子曰寡固不可以敵衆古之
人如謝玄之破苻堅韓世忠之扼兀术虞允文之勝
金師彼衆雖數十百相倍然在我猶以千計以萬計
也若寥寥數人而頓成大功則誠古今所難焉 後
漢書光武初拔邯鄲拜吳漢大將軍持節北發十郡
突騎更始幽州牧苗曾聞之陰勒兵勅諸郡不肯應
謂漢乃將二十騎先馳至無終曾以漢無備出迎于
路漢卽擣兵騎收曾斬之而奪其軍北州震駭城邑

無不望風靡從遂悉發其兵引而南與光武會 公
孫瓚以孝廉爲郎除遼東屬國長史常從數十騎出
行塞見鮮卑數百騎瓚乃退入空亭中約其從騎曰
今不衝之則死盡矣瓚乃自持矛兩頭施刃馳出刺
胡殺傷數十人亦亡其從騎半遂得免鮮卑懲艾後
不敢復入塞 三國志孫策攻劉繇于牛渚營又破
繇別將于海陵轉攻湖熟江乘皆下之進擊繇曲阿
繇同郡太史慈時自東萊來省繇會策至繇使慈出
往偵視慈時獨與一騎卒遇策于神亭策從騎十三

皆堅舊將慈便前鬪策刺慈馬而擊得慈項上手戟
慈亦得策兜鍪會兩家兵騎並至乃各解散 三國
志呂布走投袁紹紹與布擊張燕于常山燕精兵萬
餘騎數千匹布嘗御良馬號曰赤兔能馳城飛塹與
其健將數十騎馳突燕陣一日或至三四皆斬首而
出遂破燕軍 魏將曹仁留屯江陵吳將周瑜將數
萬衆來攻前鋒數千人始至仁登城望之乃募得三
百人遣部曲將牛金逆與挑戰賊多金衆少遂爲所
圍長史陳矯俱在城上望見金等垂沒左右皆失色

仁意氣奮怒甚謂左右取馬來矯等共援持之謂仁曰賊衆盛不可當也假使棄數百人何苦而將軍以身赴之仁不應遂披甲上馬將其麾下壯士數十騎出城去賊百餘步迫溝矯等以爲仁當住溝上爲金形勢也仁逕渡溝直前衝入賊圍金等乃得解餘衆未盡出仁復直還突之拔出金兵亡其數人賊衆乃退矯等初見仁出皆懼及見仁還乃嘆曰將軍真天人也三軍服其勇太祖益壯之 又三國蜀志云曹公入荊州先主奔江南曹公追之一日一夜及于當

陽之長坂先主聞曹公卒至棄妻子走使張飛將二十騎拒後飛據水斷橋瞋目橫矛曰身是張翼德也可來共決死敵皆無敢近者故遂得免 蜀志關雲長在曹操軍中袁紹遣大將顏良攻東郡太守劉焉于白馬操使張遼及羽擊之羽望見良麾蓋策馬刺良于萬衆中斬其首而還 五代時宋高祖伐羗假胡藩寧朔將軍參太尉軍事統別軍至河東暴風漂輜重艦度北岸羗牽得此艦取其器物藩氣厲心憤率左右十二人乘小船逕往河北賊騎五六百見藩

來並笑之籓素善射賊應弦而倒者十許人賊皆奔退悉收所失而返 後周書云侯莫陳崇從賀拔岳入關破赤水蜀時万侯醜奴圍岐州遣其將李尉遲菩薩將兵向武功崇從岳力戰破之乘勝逐北解岐州圍又赴百里細川破賊帥侯伏侯元進柵醜奴率其餘衆奔高平崇與輕騎逐北至涇州長坑及之賊未成列崇單騎入賊中于馬上生擒醜奴于是大呼衆悉披靡後騎益集遂大破之及岳爲侯莫陳悅所害崇與諸將同謀迎太祖太祖至于原州刺史史歸

猶爲悅守太祖遣崇襲歸乃星夜往輕將七騎直到城下餘衆皆伏于近處歸見騎少遂不設備崇卽入據城門時李遠兄弟在城內先知崇來于是中外鼓噪伏兵悉起遂擒歸斬之 宋書孫恩亂遣劉牢之往討以劉裕參府軍事牢之遣裕與數十人覬賊卒遇賊衆數千與裕戰所將人多死而裕獨奮長刃殺傷賊衆已而衆騎並至遂平山陰恩遁入海 唐書太宗爲秦王時將驍騎五百出武牢東二十餘里覬竇建德之營緣道分留從騎使李世勣等將之伏于

道傍纔餘四騎與之偕進秦王謂尉遲敬德曰吾執
弓矢公執槊相隨雖百萬衆若我何去建德營三里
所建德遊兵遇之以爲斥堠也秦王大呼曰我秦王
也引弓射之斃其將建德軍中大驚卽以六千騎來
追從者失色秦王曰汝第前行吾自與敬德爲殿于
是秦王按轡徐行追騎將至則引弓射之隨輒斃追
者懼而止止而復至秦王前後凡射殺數騎敬德亦
殺十數人追者不敢逼秦王遂巡稍却世勣等伏兵
在曠野大破斬之獲其驍將以歸 隋唐嘉話云禦建

德之役旣陣未戰太宗望見一少年騎驄馬鎧甲鮮
明指謂尉遲公曰彼所乘真良馬也敬德請取之上
曰輕敵者亡以一馬損公非我所願敬德自料致之
萬全及馳往并擒少年而返卽王世充子僞代王琬
也帝旌其能將馬賜之 唐書史思明至偃師李光
弼趨河身以五百騎殿已入三城賊使驍將劉龍仙
以騎五千挑戰加右足馬鬣上嫚罵光弼光弼顧謂
諸將曰孰能取是左右以白孝德對光弼召問所須
幾兵對曰願出五十騎見可而進大軍鼓譟以張吾

氣足矣光弼撫其背遣之孝德擁二三策馬絕河半
濟龍仙見而易之將至若引避然孝德振手止之曰
侍中使致辭無他也因與語久之瞋目曰賊識我乎
我白孝德也乃躍馬前搏城上因大譟五十騎繼進
龍仙環隄而走孝德追斬其首以還 乾符二年黃
巢衆已數千攻掠浙東至臨安時錢鏐爲董昌偏將
曰今鎮兵少而賊兵多難以力禦宜出奇兵邀之乃
率勁卒二十人伏山谷中巢先鋒度險皆單騎伏弩
射殺其將巢兵亂鏐引勁卒蹂之斬首數百級鏐曰

此可一用耳若大衆至何可敵耶乃引兵趨八百里
八百里地名也告道旁媪曰後有問者告曰臨安兵
屯八百里矣巢衆至聞媪語不知其地名皆曰向十
餘卒不可敵况八百里乎遂急引兵過 五代梁霍
存初從黃巢巢破歸降太祖累立戰功蔡賊張郢在
汴北存以三十人夕犯其營破之 周書劉亮以功
拜大都督侯莫陳悅害賀推岳亮與諸將謀迎太祖
悅平悅之黨幽州刺史孫定兒仍據州不下涇秦靈
諸州悉與定兒相應衆至數萬推定兒爲首以拒義

師太祖令亮襲之定兒以義兵猶遠未爲備亮乃將二十騎先豎燵于近城高嶺卽馳入城中定兒方置酒高會卒見亮至衆皆駭愕莫知所爲亮乃麾兵斬定兒懸首號令賊黨仍遙指城外燵命二騎日出追大軍賊黨恐懼一時降服于是諸州羣賊皆卽歸欵亮以勇敢見知爲時名將兼屢陳謀策多合機宜太祖曰卿文武兼資卽孤之孔明本名道德乃賜名亮并賜姓侯莫陳氏 達奚武委心事周太祖太祖進圖弘農遣武從兩騎覘動靜武與其候騎遇卽便交

戰斬六級獲三人而返齊神武趨沙苑太祖復遣武追之武從三騎皆衣敵人衣至日暮去營百步下馬潛聽其軍號因上馬入營若徹夜者有不如法者往往撻之具知敵之情狀以告太祖太祖深嘉焉 楊忠武藝絕倫從魏孝武爲東魏荊州刺史辛纂據襄城忠從獨孤信討之纂戰敗退走信令忠與都督康洛兒元長生爲前驅馳至其城叱門者曰今大軍已至城中有應爾等求活何不避走門者盡散忠與洛長生乘城而入響弓大呼纂兵衛百餘人莫之敢禦

水書二編 卷之十一 全
斬纂以狗城中懾伏後從周太祖狩于龍門獨當一
猛獸左挾其腰右拔其舌太祖壯之北臺謂猛獸爲
拚于因以字之 周書韓雄字木蘭爲徐州刺史東
魏東雍州刺史郭叔畧與雄接境頗爲邊患雄密圖
之乃輕將十騎夜入其境伏於道側遣都督韓仕于
畧城東服東魏人衣服詐若自河陽叛投關西者畧
出馳之雄自後射之再發咸中遂斬畧首 後周書
天和元年陝州總管尉遲綱遣魏玄率儀同宇文能
趙乾等步騎五百于鹿盧郊南邀擊東魏洛州刺史

獨孤永業永業有衆二萬餘人玄輕將五騎行前見
之卒與之遇卽使交戰殺傷數十人遂獲馬并甲稍
等永業遂退 南史薛安都少以勇聞身長七尺八
寸便弓馬仕魏宋文帝元嘉二十一年奔宋孝建元
年除左軍將軍及魯爽反叛遣安都及沈慶之濟江
安都望見爽便躍馬直往刺之應手倒左右范雙斬
爽首爽世梟猛咸云萬人敵安都單騎直入斬之而
反時人皆云關公斬顏良不過是也 蕭摩訶果毅
有勇力侯景之亂陳武帝赴援建業蔡路養起兵拒

武帝摩訶時年十三單騎出戰軍中莫有當者及路
養敗摩訶歸侯安都齊兵入寇武帝遣安都北拒安
都謂摩訶曰卿驍勇有名千聞不如一見摩訶對曰
今日令公見之及戰安都墜馬被圍摩訶獨騎大呼
直衝齊軍齊軍稍解去安都乃免大建五年衆軍北
伐摩訶隨都督吳明徹濟江攻秦郡時齊遣大將尉
破胡等率衆十萬來援其前隊有蒼頭犀角大力之
號皆身長八尺膂力絕倫其鋒甚銳又有西域胡妙
于弓矢弦無虛發將戰明徹謂摩訶曰若殪此胡彼

軍奪氣君有關張之名可斬顏良矣摩訶曰願得識
其形狀明徹乃召降人有識胡者云胡絳衣樺皮裝
弓兩端骨弭明徹遣人覘視知胡在陣仍自酌酒飲
摩訶摩訶飲訖馳馬衝齊軍胡挺身出陣前十餘步
彀弓未發摩訶遙擲銃鏡正中其額應手而倒齊軍
大力十餘人出戰摩訶又斬之于是齊師退走九年
明徹進軍呂梁與齊大戰摩訶率七騎先入手奪齊
軍大旗齊衆大潰及周武帝滅齊遣其將宇文忻爭
呂梁忻時有精騎數千摩訶領十二騎深入周軍縱

橫奮擊斬馘甚衆 唐史李光顏本河曲部落稽阿
跌之族從河東軍爲裨將元和元年討蔡詔使當一
面光顏壁澗水明年大破時曲初賊晨壓其營以陣
衆不得出光顏毀柵將數騎突入反往一再矢集身
如蝟時光顏子攬馬鞅泣諫光顏挺劍叱之士爭奮
擊賊乃潰時諸鎮兵環蔡十餘屯相顧莫肯前獨光
顏先敗賊 南史南齊周盤龍與魏軍戰其子奉叔
單馬率二百餘人陷陣魏萬餘騎張兩翼圍之一騎
還報奉叔已沒盤龍馳馬奮稍奔魏軍魏人莫不拔

靡時奉叔已大殺魏軍得出矣盤龍不知乃東西觸
擊魏軍奉叔見其父久不出復躍馬入陣父子兩騎
縈攬數萬人魏軍大敗盤龍父子由是名播北國高
帝嘉盤龍功送金釵十二枚與其愛妾杜氏手勅曰
餉周公阿杜 唐餘紀傳云鄭彥華福州人少隸節
度使李弘義帳下常射殺乳虎以勇聞中主出師攻
福州主將遣卒李興登樓車罵弘義弘義不勝忿募
生得興者彥華請行夜縋出城外伏濠邊詰旦興登
車指弘義罵彥華操長鈎鈎得興挾以登城城上

皆鼓譟弘義得與而甘心焉。宋史王德字子華通遠軍熟羊若人以武勇應募隸熙帥姚古會金人入侵懷澤遣德謀之斬一首而還補進武校尉古曰能復往乎德從十六騎徑入隆德府治執僞守姚大師械獻于朝欽宗問狀姚曰臣就縛時止見一夜叉耳遂呼德爲夜叉。青溪寇軌云童貫爲江淮荆浙官撫使移師南下征方臘至秀州累敗賊鋒追至幫源洞賊尚二十餘萬與官軍力戰而敗溪據巖穴爲三窟諸將莫知所入韓蘄王世忠時爲王淵裨將潛行

谿谷間野婦得徑卽挺身直前度險數重搏其穴格殺數十擒臘以出并取臘妻子符印及方肥等其黨皆潰。范公過庭錄云忠宣謫于信陽時漢上有巨賊曰羅塹擁衆雄視一隅忽直壓郡界僅三十五里一郡惶怖失措朝夕危陷忠宣集郡僚謀守禦計皆懦怯無敢當者有酒吏秦生請行忠宣命攝巡尉欲假之衆秦曰無益也以數十騎直對賊壘值賊置晏軍勢甚張賊副小關索者領十餘騎飲馬河側隔河問秦曰你爲誰胡至此秦曰吾信陽巡檢來取爾首


耳賊笑曰爾無輕命吾貸爾告若曹速降吾無爾害
秦罵曰狂賊敢大言吾惟爾首之得秦因坦膺謂賊
曰爾敢射我乎賊彎弓射之不中秦復射中賊小關
索心而死數十人駭散秦卽鼓衆絕河掩其不備賊
衆皆烏合且醉不能禦竄走林谷一境獲安奏功于
朝進數官 明之初花雲貌黑而驍勇絕人已謁

太祖于濠每單騎前行所向無不克常遇盜數百獨
戰三日乃擒殺之 永樂中盱胎侯端授金山衛指
揮有倭寇至端與郤指揮分兵出戰郤全軍覆沒賊

入城斷橋兵不能渡端躍馬渡河入西門與賊被箭
如蝟轉戰未休賊掠染家布橫于街端以一劍挑布
一劍截之得馳出東門招散兵焚賊舟絕其歸路賊
遂大敗 王聞祿庭聞述畧景泰己巳也先退後總
兵石亨坐張掖門飛樓上望見一虜騎舉旗一虜騎
挾弓矢將薄城下亨任彪請出斬之持斧騎而往亦
從一騎揚旗前迎虜彎弓引滿發矢射彪亨遙見彪
騎上如瓜墜地彪縱騎奮而前一斧 落虜首舉旗
虜騎遁去獲其弓亨彪共挽不能開如瓜者乃馬鞍

判官頭戰馬制此獨高可以遮胸必瘦木乃堅今尚射斷若使低而不堅一發透心矣虜力亦勇哉首大如斗非彪曷敵也 我知子寇志云黃得功副將林報國勇敢當先爲得功前鋒所向有功左金王老狷狷革里眼等數憚之革賊大管隊二將者五營中以驍勇聞設伏以待報國報國恃勇深入墮其伏中二將截戰射傷報國之馬報國步戰遂不得脫二將提報國首上山馬誘得功蓋恃其有伏也各路兵皆集無一敢前得功正切齒欲爲復仇匹馬直取二將賊

兵四起用撓鈎鈎取得功得功奔回二將追近得功回身一箭中喉落馬賊兵救奪得功鐵鞭打開提歸二將之級以祭報國群賊喪氣我兵驚散自是賊營相傳須避黃闖矣





三
卷
一
冊
二
三
四
五
六
七
八
九
十
十一
十二
十三
十四
十五
十六
十七
十八
十九
二十

